

ՊԱՏՄԱԿԱՆ ՍՅՈՒՆԻՔԻ ՄԻ ՇԱՐՔ ԳՅՈՒՂՆԵՐԻ ՏԵՂԱԴՐՈՒԹՅԱՆ ՀԱՐՑԻ ՇՈՒՐՋ

Գ. Մ. ԳՐԻԳՈՐՅԱՆ

Հնադույն վայրերի տեղադրության հարցը կարևոր նշանակություն ունի Հայաստանի պատմական աշխարհագրության ուսումնասիրության համար: Ներկա հոդվածում, պատմահնադիտական հետազոտությունների հիման վրա, փորձ է առվում լուսարանել և հնարավորին չափ ճշտել հին Հայաստանի խոշորագույն նահանգներից մեկի՝ Սյունիքի մի շարք բնակավայրերի տեղադրությունը, մասնավորապես այնպիսիներին, որոնք հիշատակված են XIII դարի պատմիչ Ստեփանոս Օրբելյանի հանրահայտ «Հարկացուցակ»-ում: Եվ թանի որ «...չիք ի դիտութիւնս փոփոխական քան դաշխարհագրութիւն և դժուարին ի ճշտել և ճշգրտել զրեական և զրեակշական...»¹, մենք ստիպված էինք տեղավայրերում շրջադայելիս ըստ հնարավորին դրանցել կոնկրետ բնակավայրի շրջակայքում գտնվող բոլոր գյուղատեղիները, եկեղեցիները, գերեզմանոցները, ինչպես նաև ժողովրդի մեջ պահպանված ավանդությունները, գրույցները և այլն: Շրջադայելիս տեղերում մեզ սիրով աջակցել և օգնել են Ա. Մուրադյանը, Ս. Եղիազարյանը (Սիսիան), Ա. Մատուրյանը, Աղ. Աղամիրյանը (Ղափան) և շատ ուրիշներ, որոնց հայտնում ենք մեր սրտագին շնորհակալությունը:

Աղատի.— Ըստ Ստ. Օրբելյանի «Հարկացուցակ»-ի այս բնակավայրը մտել է Բաղք-Քաշունիքի մեջ: Հետագայում հիշատակվում է Բարգուշատի գավառի մեջ², Եղել է միջին մեծության գյուղ, Սյունյաց եպիսկոպոսական աթոռին վճարել է 8 դահեկան հարկ³: Մենք կարծում ենք, որ Աղատին (Աղատի աղբյուր, արտասանվում է՝ Այադի) եղել է ներկայիս Ղափանի շրջանի Եղվարդ (նախկին Աղահորդ) գյուղի հանդիպակաց սարի վրա գտնվող Այադին, որը մտնում է Ագրք-ՍՍՀ-ի մեջ: Ներկայումս բնակիչներն աղբյուրանցիներ են:

Ավելադաշտ-Բերդ.— Ավելադաշտի տեղադրության ճշտումը ավելի կարևոր է, քանի որ այս գյուղը եղել է Տաթևի վանահայրերի դեմ ապստամբած գյուղացիների օջախներից մեկը: «Իբրդ» անունով բնակավայր Ստեփանոս Օրբելյանը մեկ անգամ հիշատակում է իր «Պատմութեան» 127 էջում (Մոսկվա, 1861), որը սակայն բոլորովին չի համապատասխանում բերդ-Ավելադաշտին, որովհետև Սյունյաց Աշոտ իշխանաց իշխանը 874 թ. այն նվիրում է Սեանա վանքին: Մեզ հետաքրքրող բերդ-Ավելադաշտը գտնվում է Տաթևի վանքի շրջակայքում: «Էր և ավազականոց մի Իբրդ անուն հանդէպ վանիցն, յայնկոյս մեծի գետոյն,— գրում է պատմիչը,— յափն քարին որ Ավելադաշտն (այլ օր. Առաւելադաշտ) կոչեն, ի ներքին Ուսակին՝ և զայն ևս ոչ հալածեցին, յորոյ վտանգ ոչ սակաւ հասանէր եղբայրութեանն»⁴: Ինչպես տեսնում ենք մատենագրի վկայությունից, մեզ հետաքրքրող բնակավայրը գտնվելիս է եղել «հանդէպ վանիցն, յայնկոյս մեծի գետոյն յափն քարին»: Պարզվում է, որ Ավելադաշտը եղել է Տաթևի վանքի դիմաց, Ուսակ կոչված վայրից ներքև, Որոտան գետի ձախ ափին: Ստ. Օրբելյանի նկարագրությունից կարելի է եզրակացնել, որ Ավելադաշտը եղած պետք է լինի Տաթևի վանքի հարավ-արևելյան կողմում գտնվող:

¹ Ա ի շ ա ն, Սիսական, Վենետիկ, 1893, էջ 2 (Առաջարան):

² Մատենադարան, ձեռ. N: 2924, Թ. 153:

³ Ստեփանոս Օրբելյանի «Պատմութիւն տանն Սիսական» աշխատությանը կցված «Սիւնեաց Իրկոտասան զաւառաց հարկք եկեղեցւոյ» կամ ինչպես կարճ անվանում են՝ «Հարկացուցակ»-ի առեղծվածը այժմ կարելի է լուծված համարել: Մենք ընդունում ենք Մ. Սմբատյանցի (Տեղագիր Գեղարքունի ծովազարդ Գաւառի, Վաղարշապատ, 1895, էջ 97), Հ. Ութմազյանի (Սյունիքը IX—X դարերում, Երևան, 1958, էջ 238) և Ս. Հակոբյանի (Հայ գյուղացիության պատմություն, հատ. I, էջ 392, հատ. 2, էջ 180, Երևան, 1964) տեսակետները, որ «Հարկացուցակ»-ի գյուղերի դիմաց նշանակված թվերը դրամական միավորներ են:

⁴ «Ստեփանոսի Սիւնեաց եպիսկոպոսի Պատմութիւն տանն Սիսական», ի լոյս ընծայեաց Մկրտիչ էմին, էջ 168, Մոսկվա, 1861:

նրվող Տաշտ (Դաշտ) անունով վայրին կից, այժմյան Մոսունց սեռ կոչվող բարափի վրա, որտեղ կան հին գյուղատեղի հետքեր: Ի դեպ, հայ պատմագիտական գրականության մեջ ընդունված է նույնացնել կամ տարրերել բերդ և Ավելադաշտ անունները: Մեզ թվում է, որ Օրբելյանի գրքում նշված բերդը հատուկ անուն չէ, այլ պարզապես գործածված է ամրոց-բերդ իմաստով: Ինչպես, «Բինակ, ասվում է «Ցուր» և «Բերդն Ցուրայ», «քարն Ցուրայ» կամ ուղղակի Ցուրարևրդ. այդպես էլ պետք է հասկանալ «Բերդ-Ավելադաշտ»: Օրբելյանից կատարած մեջբերումը հաստատում է «եր բնթաղությունը Իսկ նույն հատվածում եղած Ուսակ անունը դեռևս մնում է անվերծանելի»:

Արիտ.— Այս գյուղը Ստ. Օրբելյանի «Հարկացուցակ»-ում գետեղված է Ծղուկ գավառի մեջ և Տաթևի վանքին եկեղեցական հարկ է վճարել 6 դահեկանի չափով: Հենց հարկի չափից էլ կարելի է եղրակազնել, որ Արիտը եղել է փոքր գյուղ: Ուշագրավ է Հովհաննես Եպիսկոպոսի վկայությունը՝ «Տան և Սուփանեաք զԱրիտ գիւղ սահմանակից Հարժիից (Յայջի — Գ. Գ.) և Տամալեկուց»⁵: Ըստ պատմիչի հաղորդման Արիտը գտնվում է Հարժիքի և Տամալեկի մոտ: Կարծում ենք, որ Արիտ գյուղը գտնվելիս է եղել Տաթև գյուղից կարճ ճանապարհով դեպի Յայջի տանող ճանդիպակաց սարալանջի վրա, Ածի հողեր վայրում, որտեղ կան հին գյուղատեղի հետքեր:

Արուս.— Այս գյուղը, որ հիմա ավերակ է, գտնվելիս է եղել այժմյան Ղափանի շրջանի Բեխ գյուղի դիմաց, Ղաթարի հողամասում: Այս բնթաղությունը հաստատվում է հետևյալ փաստերով. Եյունյաց Սահակ իշխանի որդի Ջևանշիրը 871 թ. Սողոմոն Եպիսկոպոսի հետ համաձայնվում է գոթանակել իր սեփական Արուքս գյուղը, որը գտնվում էր Բաղբում, Կովսականի գավառում, Տաթևի սեփականությունը կազմող Բեխի հետ. «Վասն զի մեր երկոցունս միջաուր էր՝ փոխանակեցաք», — գրում են նրանք: Ահա Արուքս գյուղի սահմանները, որոնք որոշում է Ստ. Օրբելյանը. 1. Արևելյան կողմից Արուքսը սահմանակից է Կշմասուկին⁶, 2. Արևմուտքից՝ ս. Խաչի սահմանն է, 3. Հարավից՝ հին ջրագնացով⁹ մինչև Բեխի սահմանը, 4. Հյուսիսից Կավարտն է: Արուքսի տեղի որոշման գործը հեշտանում է նրանով, որ այժմյան Բեխ և Կավարտ¹⁰ գյուղերը գտնվում են նույն վայրերում, որոնց մասին ասում է պատմիչը: Այսպիսով, Արուքսը նույն Ղաթարի տերիտորիայում է եղել: «Հենհանքեր» գնացող այժմյան խճուղին անցնում է պատմական Արուքսի միջով: Սարալանջին կանգուն մնացել է մի թաղածածկ անշուք եկեղեցի, թեև նոր շրջանի, սակայն պատերի մեջ ազդեցված են հնագույն խաչքարեր, որոնցից կարելի է կռահել Արուքսի հնավայր լինելը: Արուքսի, ինչպես նաև Իււիի եկեղեցական հարկերը եղել են 6-ական դահեկան:

Բեխուրու.— Միջին մեծության այս գյուղը Ս. Օրբելյանի «Հարկացուցակ»-ում գետեղված է Սյունյաց թագավորության ոստան Զորք գավառում և մետրոպոլիտին վճարել է 8 դահեկան հարկ: Վստահությունը կարելի է ասել, որ սա Քաջարանին սահմանամերձ Փխրուտ քնակավայրն է, որ տեղացիների արտասանությամբ կոչվում է Փխրուտ-Փիրխուտ-Փուրխատ¹¹: Մյուս կողմից, նաև հարևան է Փիրղաուդան վայրին: Մեզ հետաքրքրող գյուղի առթիվ բազմավաստակ Ալիշանը գրել է. «Քուխրուտ այն է Բեխուրուտ, հին ցուցակին միակ ղեռող Բաղարերդոյ աբդ ծանոթ դրիքն և տնուամբ, և ս. Ստեփանոս եկեղեցաւ. յանուն նորին կոչի և մերձակայ երկայնանիստ լեռոն ըստ պատմութեան Ղափանեցեաց»¹²:

Գայլոց վանք.— Մեր ուսումնասիրությունը հիմք է տալիս կարծելու, որ Գայլոց վանքը (այլ «Բ. Գայլոնց վանք») գտնվելիս է եղել Սիսիանի շրջանի Բոնսկոթ գյուղի կիլիվանց կոչվող դաշտավայրում¹³: Ունի հին գերեզմանոց և կան գյուղատեղի հետքեր: Տեղացիները նաև կոչում են «Ղո-

5 Ըստ երևույթին, Ուսակը հատուկ անուն չէ և արտահայտում է ուս-բլուր, թումբ, բարձունք իմաստը:

6 Ս տ ե փ ա ն ո ս Օ Ր Բ Ե Լ Ե յ ա ն, Պատմութիւն, էջ 167:

7 Նույն տեղում:

8 Կշմարտուկի մասին առանձին կխոսվի այլ առիթով:

9 Ըստ երևույթին, խոսքը Սխչի գետի մասին է:

10 1964 թ. ապրիլի 15-ին մենք եղանք Կավարտում: Միակ և արժեքավոր հուշարձանը գյուղի ս Կեորչ եկեղեցու քանդակադարդ դանդակատունն է, կառուցված 1758 թ.:

11 Խ. Ավետիսյան, Զանգեզուրի բնակչությունը և բնակավայրերը 40 տարում (1920—1960), Երևան, 1963, էջ 87:

12 Ա լ ի շ ա ն, Սիսական, էջ 283:

13 Մատենադարանի № 2924 ձեռագրում (թերթ 154) նշված է Սիսիանի գավառի մեջ Բոնսկոթի, Կիրակոսիկի, Շաքիի, Տուրոսի և այլ գյուղերի հետ միասին որպես Տաթևի վանքին հարկատու գյուղ «Կլվանց» ձևով:

նախ կյուրմագ» — օանհյուրընկալաւ: Մտնում էր Ծղուկ գավառի մեջ և Տաթևի հայրապետանոցին վճարել է 10 դահեկան հարկ:

Խաւս.— Ծղուկ գավառի այս բնակավայրը, մեզ թվում է, նախապես կոչվել է հնաք-հնոք, իսկ քանի որ սխալ արտագրության հետևանք է, եթե այս ենթադրությունն ընդունելի լինի, ապա հապանական է, որ Սիսիանի շրջանի Աշոտավան գյուղի հողամասերից մեկի անվան մեջ մինչև այժմ սյահպանված է հնոք (հնակ) տեղանունը: Այս տեղավայրը, որն ունի նաև հին գերեզմանոց, նույն հաւեր-հնաք բնակավայրն է: Օրրելյանի «Հարկացուցակ»-ից երևում է, որ հնոքը իր ժամանակին եղել է նշված գավառի մեծ գյուղերից մեկը՝ վճարել է 12 դահեկան հարկ:

Մաժարդ.— Սյունյաց դահերեց իշխան Աշոտի կին Շուշանը Տաթևի Պողոս-Պետրոսի եկեղեցու նավակատրիի ժամանակ Սյունիքի հոգևոր կենտրոնին նվիրում է երկու գյուղ՝ «զՄացարդ և չՔարատնիս»¹⁴: Նշանակում է մեզ հետաքրքրող Ծածարդը 906 թ. սեփականության իրավունքով տրվել է Տաթևի վանքին: Մինչև վաերին անցնելը Ծածարդը եղել է լուկ հարկատու գյուղ՝ 10 դահեկան հարկով: Համանուն Ծագարդ (Ծածար) գյուղատեղը գտնվում է Տաթևի վանքի արևմտյան կողմում, մոտավորապես մեկ կիլոմետր հեռավորության վրա: Տաթևցիները մինչև օրս էլ այդ վայրը կոչում են Ծացարդ:

Մորի.— Եղել է Կովսականի մեծ գյուղերից մեկը: Եկեղեցական հարկը 12 դահեկան էր: Գրտնրվում է Կապան քաղաքից մոտ 35 կմ գեպի հարավ, Շիկահողի մոտ, մտնում է Աղբը. ՍՍՀ-ի մեջ: Աղբընջանցի բնակիչների առողջանության արտասանվում է Սորի և այդպես էլ այժմ կոչվում է:

Վերակոսիկ.— Գյուղի ծերերի պատմածով Սիսիանի շրջանի այժմյան Աշոտավան գյուղը նախկին Կիրակոսիկն է, որ մտել է Ծղուկ գավառի մեջ: Եղել է մեծ գյուղերից մեկը, 12 դահեկան հարկով: Հագար տարի շարունակ սերնդից սերունդ ավանդաբար փոխանցվել է այս անունը, շնայած հետագա դարերում այն կոչվել է Աղբենդ¹⁵:

Վիցի.— Սյունիքի Զորք գավառի գյուղերից է: Ղ. Ալիշանը «Սիսական»-ում Կիցքի առթիվ գրում է. «Ըստ նոր ցուցակաց՝ Գեղուաձորոյ վիճակեալ է Կիցք գիւղ հին, որ ի հիշատակարանի միում 1657 կոչի Գեց»¹⁶: Դեռ Ալիշանի ժամանակ Կիցքում եղել են երկու եկեղեցիներ՝ ա. Ստեփանոս և ս. Աստվածածին անուններով: Այժմյան Քիրսը (Կիցք) գտնվում է Կապանից դեպի արևմուտք, մոտ 39 կմ հեռավորության վրա, Գեղիի ճանապարհով Հաշաթի գյուղի կողքին: Պատմական Կիցքը (Քիրսը) եղել է միջին մեծության գյուղ, Սյունյաց եպիսկոպոսարանին վճարել է 8 դահեկան հարկ:

Վուռափաձորոյ վանք.— Այս վանքի մասին հիշատակված է Ստ. Օրրելյանի «Պատմութեան»¹⁷ գլխում: Տեղանքի մեր ուսումնասիրությունները հիմք են տալիս հաստատելու, որ հիշատակված գտնվելիս է եղել Սիսիանի շրջանի Բռնակոթ գյուղի Կոփաձոր-Կուռափաձոր վայրում, ուր մինչև այժմ անացել են հին գյուղատեղի և ավերված վանքի հետքերը: Ը դեպ, այս վանքը հիշատակվում է բուն Սյունիքի վանքերի մեջ:

Վորովի.— Շատ հավանական է, որ այս բնակավայրի անունը (Կրո(վ)) ձևով պահպանվել է նույն Բռնակոթ գյուղից դեպի արևմուտք, մոտ 2 կմ հեռավորության վրա գտնվող «Կրոյ»-ի դաշտավայրի անվան մեջ: Այստեղ կան հին գյուղատեղի հետքեր, խաչքարեր և այլն: Կրոյի մասին ի միջի այլոց, հիշատակություն ունի սրձանագրագետ Ս. Բարխուդարյանը: Նա նշում է, որ Կրոյ անունով փոքրիկ եկեղեցու պատին և մոտիկ գերեզմանաքարի վրա եղել են արձանագրություններ: Այժմ ոչ եկեղեցին և ոչ էլ գերեզմանաքարերը չկան¹⁸: Ս. Գ. Բարխուդարյանը «Կրոյի» արձանագրությունները «Դիվան»-ում հրատարակել է ըստ Ե. Լալայանի վերծանության (ընդամենը 2 արձանագրություն): Կորովի-Կրոյին եպիսկոպոսական աթոռին վճարել է 12 դահեկան:

Մակաղույ և Մակաղոց միւս.— Պատմական Հարանդ գավառի երկու տարբեր գյուղեր են. ընդ որում, Մակաղոցը ավելի մեծ է եղել, քան Մյուս Մակաղոցը, որովհետև առաջինը Տաթևի եպիս-

¹⁴ Ստ. Օրրելյան, Պատմութիւն, գլ. ԽԱ, էջ 167:

¹⁵ Մատենադարանի № 2924 ձեռագրում, թ. 155, գրված է՝ «Կիրակոսիկ, որ է Աղբենդ», նույն կերպ է գրված № 6271 (թերթ 343) և այլ ձեռագրերում:

¹⁶ Ալիշան, Սիսական, էջ 292: Տե՛ս նաև Մատենադարան, ձեռ. № 2924, թ. 153:

¹⁷ Ստ. Օրրելյան, Պատմութիւն, էջ 249:

¹⁸ Ս. Բարխուդարյան, Դիվան հայ վիճագրության, 2, էջ 124: Այստեղ նշված է «Կրոյ» ձևով, որը պարզապես սրբագրական սխալ է. ժողովուրդը այդ վայրը կոչում է «Կրոյ»:

կուպոսարանին վճարել է 10 դահեկան, իսկ երկրորդը՝ 7: Կարծում ենք, որ այս գյուղերի տեղագրությունը պետք է որոնել լորահովտում: Երբ գրանցում էինք լոր գյուղի հնավայրերն ու հանգամասերը, մեր ուշադրությունը գրավեց Լորխաչնի կոչվող գյուղատեղին, որը թարգմանությունն է Մակաղող-Մակաղոցներ-ի:

Ման.— Մաճ գյուղը մտնում էր Բաղը կամ Քաշունիք գավառի մեջ: Եկեղեցու հարկը եղել է 7 դահեկան: Ի դեպ, այս բնակավայրը չպետք է շփոթել այժմյան Գորիսի շրջանի Առաջածոր գյուղի մոտ եղած Մաճ ձմեռանոցի հետ¹⁹, որը մտել է պատմական Հարանդ գավառի մեջ: Ուրեմն, անհրաժեշտ է Մաճ գյուղի տեղը որոնել Բաղք գավառում, որովհետև Հրահատ Սյունեցու կին Քուլպիդուխտը Սյունյաց Սողոմոն եպիսկոպոսի հետ միասին 867 թ. կնքած «պայման-վճարի»²⁰ համաձայն, նահանգի հոգևոր կենտրոնին է նվիրում «և շեն մի Մաճ անուն ի Բաղաց գաւառի»²⁰, նշանակում է, խոսքը վերաբերում է Բաղքի Մաճին: Հետաքրքրական է այն, որ Ղափանի շրջանի Մաճ կոչված վայրն էլ գտնվում է նույնպես Առաջածոր կոչված գյուղի մոտ, Աղվանի (նախկին Կողվանի) գյուղից ոչ հեռու, ուր մինչև օրս էլ նկատելի են հին գյուղատեղի հետքերը: Այդ վայրը գյուղացիները կոչում են Մաճ:

Մրուց.— Այս գյուղը Ստ. Օրբելյանի մոտ հիշատակվում է Մղուկ գավառի մեջ: Տաթևին վրա՝ Զարեկ է 8 դահեկան հարկ, որից երևում է միջին մեծության գյուղ լինելը: Մրուց գյուղը պետք է լինի Սիսիանի շրջանի Շնաթաղ գյուղի այժմյան Մրուց վայրը, որը հին գյուղատեղի է: Ի դեպ, հետագա դարերում հիշյալ բնակավայրը մտել է Վերիծորու գավառի մեջ և հիշատակվում է լորահովտի գյուղերի՝ Ըղվերձի, Ենաթաղի, Լորի, Լծենի և այլնի հետ միասին²¹:

Շոխաբ.— Շոքար բնակավայրը Ստ. Օրբելյանը գետեղել է Մղուկ գավառի հարկացուցակում: Միջին մեծության երբեմնի այդ գյուղը գտնվելիս է եղել Սիսիանի շրջանի Շաղաթ գյուղի մոտ և մինչև 30-ական թթ. կոչվում էր այդ անունով: Այժմ ոչ ոք չի ապրում, և գյուղատեղին լուրջ հիշվում է որպես Շաղաթի դաշտավայրերից մեկը²²: Անգեղակոթցիները արտասանում են Շոքայուր անով: Պատմական Շոքարի և այժմյան Շոքայուրի նույնությունը կասկած չի հարուցում:

Ուլլիթի.— Այս փոքրիկ գյուղը, որի եկեղեցական հարկը կազմել է ընդամենը 6 դահեկան, նույնպես մտել է Կապանի թագավորության ոստան Չորք գավառի մեջ: Գտնվում է Ղափանի շրջանի Գեղի գյուղից դեպի արևմուտք՝ մոտավորապես 2 կմ հեռավորության վրա, Քիրսի (Կիցք) մոտ: Այդ տեղավայրի անունը այժմ աղբյուրներից հայտնի է Նուլեթի և արտասանում:

Պետրոսկայ վանք.— Այս տեղանունը, մեզ թվում է, պահպանվել է Տաթև գյուղի հյուսիսային կողմում հիփեր կոչվող քարքարոտ սարալանջի վրա եղած Պետրոսախաչ վայրի անվան մեջ: Տաթևի բնակիչները Պետրոսախաչ այժմ կոչում են միայն հիփերի բարձր գագաթը, որի վրա հավանաբար եղել է «Պետրոսկայ վանքը», իսկ գյուղը եղել է Պետրոսախաչի հարավ-արևմտյան լանջին, որտեղից բխում է նշանավոր Խոզ-աղբյուրը: Այս բնակավայրը Սյունյաց եպիսկոպոսական աթոռին վճարել է 10 դահեկան հարկ և պահպանվել է Հարանդ գավառի հարկացուցակում:

Տամալեկ.— Տամալեկի տեղագրությունը նույնպես մինչև այժմ որոշված չէ: Ըստ Ստ. Օրբելյանի, Արիտ գյուղը սահմանակից է եղել Հարժիքին (Գորիսի շրջան, Յայջի գյուղ) և Տամալեկին: Մատենագիրը իր «Պատմութեան» մեջ հավելում է Տամալեկը հիշատակում է Յուրի և այլ գյուղերի հետ միասին: Տամալեկցիները ևս ցուրացիների նման «հին հայրենատերք էին և բարբարոսք և պիղծ մարդիկ», «այսպէս և ոչ ղՏամալեկն, որ մերձ վանիցն էր ի հանդէպ, կարացին սեպհականել, դի և նորա նույնպիսիք էին»²³,— գրում է Սյունյաց նահանգի հոգևոր պետը Ստ. Օրբելյանի «Պատմութիւն»-ից մեջբերված այս հատվածից պարզ երևում է, որ Տամալեկը գտնվել է վանքին մոտ («մերձ վանիցն էր»), նույնիսկ հանդիպակաց էր նրան («ի հանդէպ»):

Տաթև գյուղի շրջակա դաշտավայրերի գրանցումը, ինչպես նաև ուշադիր զննումները, հիմք են տալիս կարծելու, որ վանքից հարավ-արևելք, հանդիպակաց ձորի մյուս կողմում, մոտավորապես 150 մետր հեռավորության վրա գտնվող վայրը նույն Տամալեկն է, որ տեղացիների արտասանությամբ կոչվում է Տամրալակ կամ Տամրալասկ: Այդտեղ մինչև օրս էլ մնում են ս. Աստվածածին կոչվող կիսավեր եկեղեցին ու նրա արևելյան պատի մոտ կանգնած խաչքարի՝ XIII դարի փերչերին վերագրվող նվիրատվական արձանագրությունը: «Այս կիսավեր եկեղեցու և խաչքարի

19 Խ. Ա. Ավետիսյան, Զանգեզուրի բնակչությունը և բնակավայրերը 40 տարում, էջ 88-

20 Ստ. Օրբելյան, Պատմութիւն, էջ 160:

21 Մատենադարան, ձեռ. № 2924, թ. 154:

22 Խ. Ա. Ավետիսյան, նշվ. աշխ., էջ 89:

23 Ստ. Օրբելյան, Պատմութիւն, էջ 168:

վայրն, — ասում է Սյունիքի վիճական արձանագրությունների պրակի հրատարակող Ս. Գ. Բարխուդարյանը, — այժմ կոչվում է Տումբալանց²⁴։ Տամալեկ անունով գյուղ Ստ. Օրբելյանի «Հարկացուցակ»-ում չի հիշատակվում։ Այդ բացատրվում է մի շարք հանգամանքներով, որոնց քննությունը սույն հոդվածի նպատակից դուրս է։ Ինչպես մեզ պատմեց Տաթևի բնակիչ Թ. Մարգարյանը²⁵, ժողովրդի մեջ մինչև օրս ավանդություն է պահպանվել Տամալեկի վերաբերյալ։ Այս գյուղի բնակիչները հաճախակի հարձակվել են Տաթևի վանքի վրա, ծաղրել հոգևորականներին, և իբրև վերջիններիս անեծքով գետինը պատռվել է և ապստամբ աամալեկցիները անցել են գետնի տակ։

Տամալեկցիների մասին հիշատակություն կա Մատենադարանի № 2924 ձեռագրում (թերթ 155)։ «Կէս Տամբալասըլն մինչ ի գետն...» — գրված է հիշյալ ձեռագրին կցած հետագա գարեջրին վերաբերող հարկացուցակում։

Տաշու. — Տաշուն Սյունիքի մաննափոքր գյուղերից մեկն է եղել, որովհետև Տաթևին վճարել է ընդամենը 5 դահեկան եկեղեցահարկ։ Այս գյուղը շնայած մտել է Մղուկ գավառի մեջ, սակայն 906 թ. Տաթևի եպիսկոպոսությանն են վերաբերել են Բաղբի իշխանները։ Իհարկե, այս դեպքում Բաղբի իշխանները Տաշուի փոխարեն Աշոտ գահերեցին, որը սեփականությունն էր կազմում այս գյուղը, պետք է տային մի այլ գյուղ, այսինքն կատարվում էր գյուղերի փոխանակում։ Միջնադարում գյուղերի փոխանակումներ էին կատարվում ոչ միայն հոգևոր պետերի ու աշխարհիկ Ֆեոդալների, այլև առանձին իշխանների միջև՝ նպատակահարմարությունից ելնելով։ Եպիսկոպոսներն ամեն ջանք գործադրում էին ստանալու համար այնպիսի հատկապես «հոգեցատուր» գյուղեր, որոնք գտնվեին վանքին մոտ։ Հավանաբար այս դեպքում ևս Բաղբի իշխանների և գահերեց Աշոտի միջև կատարված սույն գործարքը եղել է Սյունյաց հոգևոր առաջնորդի թելադրանքով։ Տաշուի տեղագրության կապակցությամբ հարկ ենք համարում նշել, որ Տաթևի վանքի հարավ-արևմտյան կողմում, Աղանձու գյուղեհի²⁶ կոչված վայրից դեպի հյուսիս Տաշու անվամբ այժմ էլ գոյություն ունի հին գյուղատեղ և գերեզմանոց։ Համոզված ենք, որ պատմական Տաշուն հենց այժմյան Տաշուի տեղում է եղել։

Դեղնաձոր (Տղնաձոր). — Այս բնակավայրի մասին Ստ. Օրբելյանի «Պատմութեան» և՛ իր խում հիշատակվում է, որ Աշոտ դահերեց իշխանը մի շարք գյուղերի հետ միասին «շնորհ է և... դժանձատափ և գ'Դեղնաձոր»²⁷։ Դժանձատափը նույն անունով էլ այժմ գոյություն ունի Գորիսի շրջանում։ Այն գտնվում է Տաթևի վանքի արևելյան կողմում և բաժանված է նրանից անդնդախոր ձորով (Ս. Բարխուդարյան, 'Իվան, 2, էջ 40)։ Դեղնաձորի տեղագրությունը հնարավոր է որոշել 906 թ. կազմված «Գիր վճռի շրջակայ, սահմանին Տաթևոյ» փաստաթղթի համաձայն։ Այստեղ պատմիչն ավելի հանգամանորեն նկարագրում է 'Դեղնաձորի տեղը՝ նախ նշենք, որ մեղ հետաքրքրող վայրը հիշատակվում է ինչ-որ կամուրջի հետ՝ «և ուր, անշուր ձորակովն ի վայր ի դեղնաձորն և ի կարմունջն և ի կարմնջեն ի Քարաձորն»²⁸։

Թվում է, թե այստեղ հիշատակված կամուրջը այժմյան «Սատանի կամուրջն» է, որի մոտ էղած դեղնագույն սարից բխում են հանքային զույ ջրեր։ Տեղում կատարած դիտումները հիմք են տալիս ենթադրելու, որ պատմական 'Դեղնաձոր բնակավայրը, որն ի միջի այլոց բավական մեծ է եղել, 12 դահեկան հարկով, պետք է եղած լինի Տաթևի վանքի հարավ-արևելյան մասում գտնվող այժմյան Տղնաձոր կոչված վայրը։ Տղնաձոր անունը, ինչպես համոզիչ փաստերով ապացուցեցին բնիկ տաթևցիները, առաջացել է հիշյալ տեղում եղած նստվածքային դեղին ծծմբաքարերի առկայությունից։

Ցախուտ. — Սյունյաց եպիսկոպոս Հակոբը 932 թ. «Վասակայ Սինեաց իշխանի» որդի Փիլիպից 1200 դրամով և մեկ թանկագին գոհարով գնում է Զագեձորի ջուրը, բերում է «ի Ցախուտ»։

24 Ս. Բարխուդարյան, 'Իվան հայ վիճագրության, 2, էջ 33։

25 Առիթից օգտվելով, խորին շնորհակալություն ենք հայտնում Թ. Մարգարյանին՝ իր չափազանց արժեքավոր տվյալների և ցույց տված աջակցության համար։

26 Տաթևի գյուղացիների մեջ պահպանված ավանդության համաձայն մեզ անհայտ խանր տեղի բնակիչներից պահանջել է շտապարած հաղարսի տուրք, սակայն նրանք հրաժարվել են քրոնակալի կամքը կատարելուց և հեռացել են իրենց բնակավայրից՝ հարկահավաքներին ոչնչացնելուց հետո։ Աղանձուի մասին հիշատակություն կա Մատենադարանի № 2924 ձեռագրում, թ. 154։

27 Ստ. Օրբելյան, Պատմութիւն, էջ 167։ Մ. էմիլի 1861 թ. հրատարակած բնագրում գրված է «Դեղնաձորն», իսկ փարիզյան (1859) հրատարակության մեջ՝ 'Դեղնաձորն, որոնք սխալ է, 1861 թ. հրատարակության մեջ, 189 էջում, շտկվում է՝ 'Դեղնաձոր։

28 Ստ. Օրբելյան, Պատմութիւն, էջ 169։

որ հանդէպ վանիդն յայնկոյս դետոյն և արար դամենայն առապար և փշալից վայրն վարդուտ և տեկալից»²⁹, ինչպես տեսնում ենք մեջքերված հասվածից, Ցարուտը գտնվել է Տաթևի վանքին հանդիպակաց, գետի մյուս կողմում. Նվ իսկապես, այս հանդամասը մինչև այժմ էլ տաթևցիները անվանում են Ցարուտ: Իկն գտնվում է «Տաթևավանքի հյուսիսում, Որոտանի ձախ ափին»³⁰, «Սաւանի կամուրջի գլխին»³¹: Ցարուտը ջրարբի դարձնելուց հետո կոչվել է նաև Վարդուտ: Ցարուտը բնակավայր է եղել, հետևաբար Ստ. Օրբելյանի հարկացուցակում չպետք է արտացոլվեր: Իկն վայրում տարածված էին եպիսկոպոսարանի ընդարձակ կալվածներն ու այգիները, որոնք շրջակա գյուղերի բնակիչների կողմից մշակվում էին «ի վայելումն եղբայրութեանն»³²: Ցարուտն ունեցել է «բազոր դիտանոց»-պահակակետեր, որտեղից պահակները գիշեր ու գոր հսկում էին վանական կալվածներն ու այգիները: Գյուղատնտեսական սոյխատանքների ժամանակ, ինչպես սլառմեցին Տաթևի կոլտնտեսականները, այս վայրում հանսիրտկի հայտնաբերվել են կավից պատրաստած խողովակներ — «քյունգեր», որոնք, թվում է, վարարակի հայտնի ջրանցքի մնացորդներն են:

Ցուր-Ցուրաբերդ.— Այս շատ նշանավոր բնակավայրի տեղը ևս առայժմ վերջնականապես որոշված չէ: Հիմք ընդունելով Ստ. Օրբելյանի վկայությունը, պատմաբանները³³ սոսկ հիշատակում են, որ Տաթևի շրջակայքում է գտնվել այդ դյուղը: Ոմանք նույնիսկ ենթադրում են, թե պատմական Ցուրը այժմյան Սվարանց գյուղն է. Արձանագրագետ-պատմաբան Ս. Բարխուդարյանի կարծիքով՝ «ինչպես այդ վայրի անունը «Սվարանց», այնպես էլ մեջքերված»³⁴ արձանագրությունների մեջ հիշատակվող «Ցուրահող», տեղանունը առաջույց են, որ գյուղի (իմա՝ Տանձատափի — Գ. Գ.) մոտակայքում պիտի լիներ նշանավոր Ցուրա բերդը: Սակայն նա եզրակացնում է, որ «չնում հիշատակված և այժմ էլ դյուղություն ունեցող Սվարանց գյուղի նույնացումը Ցուր-Ցուրաբերդի հետ հավանական չէ»³⁵:

Ցուր գյուղի տեղադրության հարցում կարելի է անել երկու հավանական ենթադրություն. 1) Ցուրը Սվարանց գյուղն է, 2) Ցուրը եղել է Պղպարթ կոչվող վայրում:

Առաջին ենթադրությունը հիմնավորելու համար դիմելու ենք հատկապես լեզվական վերլուծության: Ինչպես հայտնի է, Յ-ն բարդ հնչյուն է (աֆրիկատ), որը տարրալուծվելով՝ հնչյուն-թյամբ վերածվում է ք և ս բաղադրիչների (հմմտ. վացուն-վաթսուն). Հետևաբար, Ցուրը հնչել է սուր, իսկ հանրահայտ է, որ ու հնչյունը նախապես արտասանվել է ՍՍ: Ստացվում է սուր. հետագայում սա արտաբերվել է սուար ձևով: Սուարի բնակիչները կոչվել են սուարանք, այսինքն սվարցիներ: Բառաթեքման դեպքում սուարանքը դառնում է սուարանց: Լեզվական օրինաչափություն է, որ ուս երկրարբուր վերածվում է վա-ի (հմմտ. հատուած-հատված, հարուած-հարված և այլն): Եթե մեր կողմից առաջարկված Ցուր-Սվարանցի մեկնաբանությունը ընդունելի լինի, հետևաբար, որոշվում է պատմական Ցուրի վայրը, այսինքն Ցուրը այժմյան Սվարանցն է:

Երկրորդ ենթադրությունը կարելի է հիմնավորել հետևյալ փաստերով. Տաթև գյուղի հարավային կողմում, վանքից ոչ հեռու Թախտորդ կոչված հողամասին կից այժմ էլ դյուղություն ունի մի հնավայր, որը տեղացիների արտասանությամբ անվանվում է Պղպարթ, այսինքն, բողբեր բերդ, չիչենք, որ Սյունյաց մետրոպոլիտը Ցուրի բնակիչներին համարում էր «անաստուածք, չպիրհք, և ելուզակը»³⁶, «շնարարոյք»³⁷ և այլն: Ժողովրդի մեջ մինչև օրս էլ պահպանվել է մի ավանդություն, ըստ որի պղպարթցիները հարձակվել են Տաթևի վանքի վրա, սպանել են եպիսկոպոսին, ոչնչացրել կրոնավորներին, իսկ եկեղեցու հայրերը այդ վայրում ապրող գյուղացիներին «ավազակ պղպարթցիներ» են կոչել և սարսափելի անեծքներ տեղացել նրանց գլխին: Ինչպես տեսնում ենք, այս ավանդությունը սերտորեն առնչվում է այն պատմական իրողությանը, որ Ստ.

29 Ստ. Օրբելյան, Պատմություն, էջ 169.

30 Ս. Բարխուդարյան, Դիվան, 2, էջ 239.

31 Նույն տեղում:

32 Ստ. Օրբելյան, Պատմություն, էջ 185.

Թ. Խ. Հակոբյան, Ուրվագծեր Հայաստանի պատմական աշխարհագրության, էջ 204, Երևան, 1960: Ս. Խ. Մնացականյան, Հայկական ճարտարապետության Սյունիքի դպրոցը, էջ 216, Երևան, 1960: Ս. Ե. Հակոբյան, Հայ գյուղացիության պատմություն, հատ. 2, էջ 254.

34 Տե՛ս «Դիվան հայ վիճագրության», 2, № 96 արձանագրությունը:

35 Նույն տեղում, էջ 40.

36 Ստ. Օրբելյան, Պատմություն, էջ 180—181.

37 Նույն տեղում, էջ 183.

Օրբելյանը հանգամանորեն նկարագրել է Ցուրի վերարձայնի իր «Պատմութեան» ինչ զխում, Այսպիսով մեր երկրորդ ենթադրությունն այն է, որ Ցուր-Ցուրարերը գտնվելիս է եղել այժմյան Պղասյերթ վայրում:

Փոֆր ոյծ (Փոֆր ույծ).— Սիսիանի շրջկենտրոնից րեղամենը 2 կմ հեռավորության վրա. այժմյան օղանավակայանի կողքին, Որոտան գետի աջ ափին է գտնվում պատմական Ոյծ (Ույծ) բնակավայրը, որ այժմ հայտնի է Ուղ անունով: Փոքր Ոյծ անունը ենթադրել է տալիս, որ նախկինում եղել է նաև Մեծ Ոյծ. կարծում ենք, որ այս Փոքր Ոյծը պետք է եղած լինի այժմյան Ուղից 2,5—3 կմ հեռավորությամբ դեպի հյուսիս-արևելք, ներկայիս Աղուղի (Աղիտու) գյուղի դիմաց. Որոտանի աջ ափին գտնվող «Հանապատ» կոչվող վայրում, ուր այժմ էլ կան հնադարյան եկեղեցու ավերակներն ու ընդարձակ դերեզմանոցը³⁸, Մեծ Ոյծը ներկայիս Ուղն է: Թեև գյուղական եկեղեցին կառուցված է 1617 թ., սակայն պատերի մեջ ազդեցված խաչքարերը շատ հին են, իսկ գյուղամիջի մեծ բլրի վրա եղած գերեզմանոցի տապանաքարերը, մասնավորապես այնպիսիները, որոնց վրա գրերի նշույլ անգամ չկա, զցված են անհիշելի ժամանակներից: Ույծը Սյունյաց Բալիկ իշխանի օրոք եղել է գյուղաքաղաք-ավան: Սյունյաց տոհմական պատմիչ Ստ. Օրբելյանը «Պատմութիւն տանն Սիսական» աշխատության ԺԱ զխում նշում է, թե ինչպես Սյունյաց Հովակիմ եպիսկոպոսի ժամանակ մեծ վեճ է առաջանում «Վասն նախադահ նախասութեամբ նախապատիւ լինելոյ գյուղաքաղաք ասանացն...»³⁹: Շաղաթից հետո ույծեցիներն ուզում էին իրենք լինել երկրորդը: Ընդ որում, Ույծի Փանոս կրոնավորը ամեն կերպ ձգտում էր հասնել այդ նպատակին: Այդ նախադահության համար ջրնդ Ոյծ և ընդ Աղիտու (Աղուղի) սաստիկ հակառակություն եղև⁴⁰:

Վերջապես ույծեցիներին տրվում է հինգերորդ զահր⁴¹: Փլիպե իշխանի և Սյունյաց Դավիթ եպիսկոպոսի միջև 844 թ. կնքած «Գիր-վճոխ» տակ որպես վկա ստորագրում է նաև «Յակոբ Ոյծայ սուղերէց»⁴², իսկ Հրահատ Սյունեցու «Նամակ վճոխ» մեջ՝ նույն Հակոբի որդի Մաթուսղան⁴³:

Նգրափակելով՝ հարկ ենք համարում նշել, որ Փոքր Ույծը դեռևս Ստ. Օրբելյանի «Հարկացուցակ»-ը կազմելու ժամանակ վարչա-տեղիտորիալ առումով բաժանված է եղել Մեծ Ույծից և, որպես առանձին «շէն»-գյուղ, եպիսկոպոսարանին վճարել է 8 դահեկան հարկ:

Բոլորաֆառ (Պլուրաֆառ).— Տաթևի վանքից հյուսիս-արևմուտք, մոտ 1 կմ հեռավորությամբ. հանդիպակաց բլուրի վրա մինչև այժմ գոյութուն ունի մի հին գյուղատեղի, որ տաթևցիների արտաբերությամբ կոչվում է Պլուրաֆառ: Տեղում կատարված զննումները, ինչպես նաև Պլուրաֆառ անունը բավարար հիմք են տալիս կարծելու, որ զա պատմական Բոլորաֆառն է: Ստ. Օրբելյանի «Հարկացուցակ»-ում Բոլորաֆառ անունով բնակավայր չի նշված, սակայն պատմիչը նրա մասին հիշատակում է անթվական մի վավերագրում, որից բերում ենք մի հատված.

«Յանուն Աստուծոյ այս իմ ձեռին գիր է Փարաջոյ՝ որդւոյ Ձազկայ իշխանի, որ կարդացար զառաջնոց գիրն և վերստին հաստատեցար զԲոլորաֆառն իւր սահմանօքն, որ էր իմ սեպհական տառանգութիւն՝ ի Տաթևոյ սուրբ եկեղեցիքս և ի տէր Գրիգոր. զի յառաջ նոցա հաստատած հայրենիք էր՝ և սակաւ ժամանակօք հեռացիալ էր վասն խանդարման եպիսկոպոսացն. մեք վերստին աստատեցար զնոյն՝ այգւով և ծառով և տիկով, հողով և ջրով ի Տաթևոյ սուրբ մայրաքաղաքս. թ սուրբ նշանս և ի սուրբ առաքելս, ի ձեռն տեառն Գրիգորի Սիւնեաց եպիսկոպոսի»⁴⁴:

38 1964 թ. դարձանը ՀՍՍՀ ԳԱ հնագիտության և ազգագրության ինստիտուտի վիճագրության սեկտորի վարիչ Ս. Գ. Բարխուդարյանի հանձնարարությամբ ուսումնասիրեցինք Ուղ գյուղի շրջակայքում եղած պատմական հուշարձանները. հավաքեցինք մեկ տասնյակից ավելի վիճական արձանագրություններ, որոնք վերաբերում են XIV—XVII դարերին: Ուղի գերեզմանոցում (Սանգյառի գերեզմանոց) հատկապես աչքի են ընկնում XVI—XVII դարերի տաղանդավոր քարգործ վարպետներ՝ կազմողներ Բախշայիճի ու Ղարտաշի նորակերտ տապանաքարերը. 1574 թ. մի տապանաքարի վրա փորագրել էր Սիմավոն գրիչը:

39 Ստ. Օրբելյան, Պատմութիւն, էջ 33:

40 նույն տեղում:

41 նույն տեղում, էջ 34:

42 նույն տեղում, էջ 152:

43 նույն տեղում, էջ 153:

44 նույն տեղում, էջ 215: Վավերագիրը հաստատված է Վասակ Սյունյաց թագավորի և Գրիգոր եպիսկոպոսի կողմից:

Ինչպես պարզ երևում է սույն հատվածից, Բաղթի Ձաղիկ 11-ի որդի իշխանագն Փարաջը⁴⁵, կարդալով «զառաջնոց դիրը», իր «հայրենիքը» դարձած Բուրաքարը «հոգեցատուր» է անում նրա նախկին տերերին՝ Տաթևի եպիսկոպոսարանին։ Հետաքրքիրն այն է, որ Բուրաքարում իր հողաբաժինն է ունեցել նաև «նորեաց վանքը», ուստի կալվածագրի մեջ հատուկ նշվում է, թե Տաթևի վանքը կարող է սեփականել այդ վայրի բոլոր հողակտորները, «րաց ի նորեաց վանից բաժնոյն»⁴⁶,

⁴⁵ Ջարմանալի է. որ հիշյալ Փարաջը տեղ չի գտել Սյունյաց իշխանական տոհմածառի և ոչ ա՛ր ճյուղում։

⁴⁶ Ս տ. Օ ր ր ե լ յ ա ն, Պատմութիւն, չջ 215։